



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectæ

Sandini, Antonio

Bambergæ, 1753

CCXXIII. Julius III. Anno Christi 1550. Caroli V. Imperatoris 32.

[urn:nbn:de:hbz:466:1-65477](https://nbn-resolving.org/urn:nbn:de:hbz:466:1-65477)

CCXXIII.

JULIUS III.

ANNO CHRISTI 1550.

CAROLI V. IMPERATORIS 32.

CUM duos amplius menses diversis sententiis certatum esset, contra spem omnium VI. Idus Februar. anno piaculari 1550. Pontifex declaratus est *Joannes Maria de Monte, Aretinus*, qui *Julius III.* nominari voluit. Ut id præstaret, quod inter Cardinales convenerat in ipso Conclavi ante Pontificis electionem, Parmam Octavio Farnesio restituit. Idem quod in Synodo Tridentina Legatus *Fabrum, Lainem, & Salmeronem* Theologos Apostolicos familiariter noverat; multaque tum ex iis, tum ex aliis de Societatis *Jesu* instituto didicerat; Ignatio supplicanti multa in Societatis incrementum ac rem admodum liberaliter tribuit. Nec enim solum prioris Pontificis de Ordine eo judicia & acta firma rataque voluit esse, verum etiam eundem Ordinem novis insuper ipse testimoniis atque decretis ornavit. (1) Idem primus omnium cavisse dicitur, ne cui liceret libros

Rayn. an.
1550 §.
3.7.46.
Spond.
§.1.2.3.

Nnn 2

Lu-

Lutheranorum, aliorumve hæreticorum legere aut habere apud se. Cavet etiam, ne in Cardinalium numero fratres duo essent eodem tempore. Vetuit, Hebræos *volumen Ghemarot Thalmud nuncupatum, nonnulla indigna, & legem divinam, orthodoxamque Fidem offendentia continens* retinere. (2) Concilium Tridentinum instauravit, quod post sex celebratas *sessiones* intermissum est ob Parmense bellum exortum inter Carolum V. & Regem Christianissimum Henricum II. in cujus fidem Octavius Farnesius se contulerat. Collegium seu Seminarium Clericorum in Urbe cõdedit, ei que S. Ignatium Lojoram præfecit, ut alti atque educati in eo Germani bonæ indolis adolescentes, ac deinde Germaniæ Ecclesiis Sacerdotes præpositi, labantem in regione ea Catholicam Fidem sustinerent, eversamque restituerent. (3) Ubi intellexit, Mariam filiam Catharinæ uxoris Henrici VIII. post mortem fratris Eduardi VI. imperium apud Anglos suscepisse, curam omnem intendit, ut Regnum illud cum Ecclesia Romana rursu

Rayn. an.

1551.

§. 4. 66.

Spond.

§. 3.

Rayn. an.

1553.

§. 1. 6.

7. 48.

Spond.

§. 9. 11.

rursus conjungeret. Id quod fecit
 successu planè secundo. Sed, cùm
 speraret, se propediem suscepturum
 legationem solemnem testandæ erga
 Pontificem Romanum obedientiæ &
 observantiæ ab Anglis jam destina-
 tam, fato concessit X. Kal. April.
 anno 1555. Vixit annos amplius se-
 ptem & sexaginta, Pontifex fuit an-
 nos quinque, mensem, & dies sexdecim.

Rayn. an.

1554. §.

4. II.

Spond.

§. 3.

Rayn. an.

1555.

§. 12.

Spond.

§. 4.

ANNOTATIONES.

(1) Joan. Petrus Maffejus in Vita S. Igna-
 tii Lojolæ lib. 4. cap. 19.

(2) Const. 24. tom. 1. Bullarii pag. 304.
 ubi §. 2. adjicit, *Hebræos in memoriam
 Passionis Dominicæ à sancta Matre Ec-
 clesia tolerari, ut aliquando mansuetudine
 nostrâ allecti ad verum Christi lumen, di-
 vino afflante Spiritu, convertantur.*

Clemens quoque VIII. Constitut. 20. §.
 1. tom. 3. Bullarii pag. 24. approbavit in-
 novavitque Constitutiones Gregorii IX.
 Innocentii IV. Honorii IV. Joannis XXII.
 Julii III. Pauli IV. & Gregorii XIII.
 qui sæpius impium illud Thalmud nun-
 cupatum, & alia similia reprobata & de-
 testanda scripta & volumina damnarunt,
 & retineri prohibuerunt.

Non 3

(3) Id

(3) Id Seminarium seu Collegium Germanicum, uti appellant, regia deinde et planè Apostolicà liberalitate ditavit & auxit Gregorius XIII. Pallavicinus Hist. Conc. Trid. lib. 13. extremo capite §.

CCXXIV.

MARCELLUS II.

ANNO CHRISTI 1555.

CAROLI V. IMPERATORIS 37.

MARCELLUS II. *Cervinus* Politanus Roberti Cardinalis Bel-

larmini avunculus, fulgens adhuc

legatione ad Concilium Tridentinum

Pauli III. nomine, anno 1555. V.

Idus April. Pontificatum obtinuit

ingenti bonorum omnium gaudio.

(1) Verum brevi ea lætitia cunctis

evanuit. Siquidem *altero & vicesimo*

die Pontificatus, anno ætatis quin-

quagesimo quarto apoplexiâ oppres-

sus, Kal. Maji decessit. Calamita-

tem hanc tota Romana Civitas tulit

acerbissimè. Tantam Marcellus fe-

cerat suæ expectationem. Nomen

non mutavit ductus pietate erga in-

clytum Pontificem & martyrem S.

Marcellum I. (2) Contestabatur, se

nun-

Rayn. an.

1555. §.

13. 14. 16

18. 20.

Spond.

§. 5. 6. 7.